

# SCRIPTA

---

**Numéro Scripta :** 2736

**Auteur(s) :** Geoffroy Chevalier [chevalier]

**Auteur(s) :** Hugues de Nocé [chevalier]

**Bénéficiaire(s) :** Renaud Maille [prêtre]

**Bénéficiaire(s) :** Eudes, frère de Regnault Maille [particulier]

**Genre d'acte :** charte

**Authenticité :** non suspect

**Datation :** 1219

**Action juridique :** vente

**Langue du texte :** latin

## Analyse

Vente par Guillaume de Let-Perier, Gervais, Herbert et Geoffroi frères, à Regnault Maille, prêtre, et à Eude, son frère, de tout de qu'il possédait héréditairement en la paroisse de Vaunoise, à Let-Perier, pour le prix de quinze livres, quatorze sols et deux deniers tournois.

## Tableau de la tradition

### Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 257, p. 243-244.

Texte établi d'après a

Ego Gaufridus Chevalerius et Hugo de Noceio miles, notum facinus omnibus presentem paginam inspecturis quod W[illelmus] de Latapiru et Gervasius et Herbertus et Gaufridus fratres ejusdem Willelmi coram nobis vendiderunt pro quindecim libris, quatuordecim solidis et duobus nummis turonensium Raginaldo Maille presbitero, et Odoni fratri ejus quicquid ipsi jure hereditario in parrochia de Valnoise apud Latampirum possidebant, ipsis Raginaldo et Odoni fratri ejus et quibuscumque ipsi quocumque titulo preter in elemosinam voluerint, salvo jure nostro et aliorum dominorum feodi, perpetuo possidendum, hoc adjecto quod dicti fratres in dicta hereditate nichil juris et districtionis sibi et suis heredibus retinuerunt in futurum. Hanc autem venditionem predictis [Raginaldo et Odoni] sub dicta forma factam Leiardis uxor dicti W, et Aales filia eorum, et Aales uxor dicti Gervasii, et Theobaldus et Osanna liberi dictorum Gervasii et Aales, et Eremburgis uxor dicti Herberti, et Davi filius eorum, et Benedicta neptis dictorum Willelmi et fratrum ejus, et Richardus Guiterii, et Petronilla et Hodeburgis et Delicata, consanguinei dictorum fratrum, benigne concesserunt, et tam dicti fratres quam omnes alii predicti eandem venditionem tenendam fideliter firmiterque servandam et garantizandam predictis [Reginaldo et Odoni] sub dicta forma in perpetuum, juramentis corporaliter prestitis, firmaverunt, et proinde dicte uxores dictorum fratrum singule earum duodecim nummos, et dicti liberi eorumdem fratrum, et dicta Benedicta, Petronilla et Hodeborc singuli eorum sex nummos a predictis [Raginaldo et Odoni] perceperunt, iidem vero [Raginaldus et Odo], pro dicte venditionis concessione et garantizatione, michi Gaufrido primo domino feodi, sex solidos, et dicto Hugoni de Noceio, de quo eundem feodum teneo, quinquaginta solidos turonensium ad petitionem et assensum dictorum fratrum contulerunt.

Et ne nos vel heredes nostri, vel alii predicti, vel heredes eorum contra predicta venire valeamus in futurum, prefatis R[aginaldo] et O[doni] ad petitionem dictorum fratrum et aliorum predictorum presentem dedimus paginam predictorum testimonialem sigillorum nostrorum testimoniis roboratam.  
Actum anno gratie M° CC° XIX°.